

**ԳՐԱՍԵՆՅԱԿԱՅԻՆ ՏԱՐԱԾՔԻ
ՎԱՐՉԱԿԱԼՈՒԹՅԱՆ ՊԱՅՄԱՆԱԳԻՐ 4**

ք. Երևան

12.09.2017թ.

Արթուր Մանուկի Չաքարյանը (ծնված 02.01.1965թ.-ին, անձնագիր՝ AM0467768, տրված 14.10.2011թ. 011-ի կողմից, հաշվառված՝ ք. Երևան, Իսրայելյան փող., շենք 37, բն. 10), (այսուհետ՝ **ՎԱՐՉԱՏՈՒ**)

և

«ՀՀ ՎԵՐԱՀՍԿԻՉ ՊԱԼԱՏԻ ԱՇԽԱՏԱԿԱԶՄ» ՊԵՏԱԿԱՆ ԿԱՌԱՎԱՐՉԱԿԱՆ ՀԻՄՆԱՐԿԸ, որը գործում է իր կանոնադրության հիման վրա (այսուհետ՝ **ՎԱՐՉԱԿԱԼ**), ի դեմս Աշխատակազմի ղեկավարի լիազորած անձ **Հովհաննես Հովհաննիսյանը** (Նույնականացման քարտ՝ 006176028, տրված՝ 16.08.2017թ.-ին, 011-ի կողմից, գրանցված ք. Վանաձոր Մաշտոցի 1-ին նրբանցք տուն 5 հասցեում), որը գործում է Աշխատակազմի ղեկավարի ժամանակավոր պաշտոնակատար Հայկ Ավագյանի կողմից երկու հազար տասնյոթ թվականի սեպտեմբերի մեկին տրված լիազորագրի հիման վրա, մյուս կողմից, (միասին՝ կողմեր), կնքեցին սույն պայմանագիրը հետևյալի մասին.

1. Պայմանագրի առարկան և գործողության ժամկետը

1.1. Սույն պայմանագրով Վարձատուն պարտավորվում է վճարի դիմաց Վարձակալի ժամանակավոր տիրապետմանը և օգտագործմանը հանձնել Հայաստանի Հանրապետության, ք. Երևան, Վարդանանց փակուղի թիվ 8 շենքի 33 տարածքի հասցեում գտնվող 127.4 (հարյուր քսանյոթ ամբողջ, չորս տասնորդական) քառակուսի մետր մակերեսով) գրասենյակային տարածքը՝ այսուհետ՝ **Տարածք**:

1.2. Գույքը սեփականության իրավունքով պատկանում է Վարձատուին, համաձայն Անշարժ գույքի կադաստրի պետական կոմիտեի Կենտրոնի տարածքային ստորաբաժնան կողմից երկու հազար տասնյոթ թվականի սեպտեմբերի յոթին տրված **թիվ 07092017-01-0061** սեփականության (օգտագործման) իրավունքի գրանցման վկայականի:

1.3 Վարձատուն երաշխավորում է, որ տարածքը վաճառված չէ, վեճի առարկա չէ, գրավ դրված չէ, արգելանքի տակ չի գտնվում կամ այլ կերպ ծանրաբեռնված չէ, ինչը հավաստվում է Անշարժ գույքի կադաստրի պետական կոմիտեի կենտրոնի տարածքային ստորաբաժնան կողմից 07.09.2017թ. տրված **N US-07092017-01-0294** Անշարժ գույքի և դրա նկատմամբ գրանցված իրավունքների ու սահմանափակումների վերաբերյալ միասնական տեղեկանքով:

2. Տարածքի օգտագործման նպատակը

2.1. Տարածքը Վարձակալի կողմից կարող է օգտագործվել գրասենյակային գործունեություն իրականացնելու համար՝ որպես ՀՀ վերահսկիչ պալատի 2-րդ մասնաշենք:

3. Պայմանագրի գործողության ժամկետը և վարձակալության վճարը

3.1 Տարածքը վարձակալությամբ է տրամադրվում 08.09.2017թ. մինչև 30.12.2018թ.:

3.2. Տարածքի տիրապետման և օգտագործման համար ամսական վարձավճար (այսուհետ՝ վարձավճար) է սահմանվում՝ 509.600 (հինգ հարյուր ինը հազար վեց հարյուր) ՀՀ դրամ, որը

կներառի Վարձակալի կողմից իրականացվող բոլոր ծախսերը, այդ թվում՝ սանիտարահիգիենիկ նորմալ պայմանների ապահովում, սպասարկում, ջրամատակարարում, իսկ Պայմանագրից բխող բոլոր հարկային պարտավորությունները վճարում է Վարձակալը:

3.3. Սույն պայմանագրի 3.2 կետում Տարածքի համար ֆիքսված գումարի վճարումների պարտավորությունը Վարձակալը կստանձնի 2017թ.-ի սեպտեմբերի 8-ից: Վարձավճարը Վարձակալը վճարում է յուրաքանչյուր ամսվա համար մինչև հաջորդ ամսվա հինգերորդ օրը Վարձատուի՝ «ՎՏԲ-Հայաստան Բանկ» ՓԲ Ընկերության կողմից սպասարկվող 16048153008900 հաշվեհամարին փոխանցում կատարելու միջոցով:

3.4 Սույն պայմանագրի գործողության ընթացքում կողմերն իրավունք չունեն միակողմանի լուծել սույն պայմանագիրը: Վարձատուն կարող է լուծել սույն պայմանագիրը Վարձակալի համաձայնությամբ՝ այդ մասին նախապես ծանուցելով Վարձակալին առնվազն 2 /երկու/ ամիս առաջ: Վարձակալը կարող է լուծել սույն պայմանագիրը՝ այդ մասին նախապես ծանուցելով Վարձակալին առնվազն 2 /երկու/ ամիս առաջ:

3.5. Վարձակալն իրավունք ունի Պայմանագրի գործողության ժամկետի ավարտից առնվազն 1 ամիս առաջ ծանուցմամբ՝ յուրաքանչյուր անգամ երկարաձգելու Պայմանագիրը, սույն պայմանագրով սահմանված միևնույն պայմաններով, եթե նման ծանուցումը ստանալուց հետո 10 օրվա ընթացքում Վարձատուն չի հայտնել Վարձակալին իր առարկությունները այդպիսի երկարաձգման վերաբերյալ:

4. Կողմերի իրավունքները և պարտականությունները

Վարձատուի իրավունքները

4.1. Վարձատուն իրավունք ունի Վարձակալից պահանջել Գույքն օգտագործել Պայմանագրի պայմաններին և նշանակությանը համապատասխան:

4.2. Վարձատուն իրավունք ունի Վարձակալից պահանջել ժամանակին վճարելու Վարձավճարը՝ պայմանագրում նշված կարգին համապատասխան:

4.3. Վարձատուն իրավունք ունի Պայմանագրի 3.3. կետի պահանջը Վարձակալի կողմից խախտելու դեպքում առանց նախազգուշացման միակողմ վաղաժամկետ լուծել պայմանագիրը:

Վարձատուի պարտականությունները

4.4. Վարձատուն պարտավոր է Վարձակալին նախազգուշացնել գույքի նկատմամբ երրորդ անձանց, բոլոր իրավունքների (գրավի իրավունք, սերվիտուտ և այլն) մասին՝ նման իրավունքներ՝ առաջանալուց հետո 10 (տաս) օրվա ընթացքում:

4.5. Վարձատուն պարտավոր է որևէ կերպ չխոչընդոտել պայմանագրից բխող և Վարձակալի գործունեությամբ պայմանավորված իրավունքների իրականացմանը:

4.6. Վարձատուն իրավունք ունի մուտք գործելու Տարածք միայն Վարձակալի համաձայնությամբ:

Վարձակալի իրավունքները

4.7. Վարձակալն իրավունք ունի կատարել տարածքի ընթացիկ վերանորոգում:

4.8. Վարձակալն իրավունք ունի Վարձատուից պահանջել իրեն տրամադրելու Գույքի պատկանելիքներն ու փաստաթղթերը:

Վարձակալի պարտականությունները

4.9. Վարձակալը պարտավոր է ժամանակին մուծել վարձավճարը:

4.10. Վարձակալը պարտավոր է կատարել տարածքի ընթացիկ վերանորոգումները, միայն եթե դրանց կատարման անհրաժեշտությունն առաջացել է իր մեղքով: Ընթացիկ վերանորոգման նյութերը Վարձակալը նախապես պետք է համաձայնեցնի Վարձատուի հետ:

4.11. Վարձակալը պարտավոր է պահպանել տարածքի ներքին հարդարանքը, տարածքի բոլոր

դռները, էլեկտրական, ջեռուցման, օդափոխության և այլ մեխանիկական սարքավորումները, որոնք տեղադրված են Վարձատուի կողմից:

4.12. Վարձակալը պարտավորվում է տարածքն օգտագործել սույն պայմանագրի 1.1 կետին համապատասխան, երբևէ այն չհանձնել ենթավարձակալության և որևէ փոփոխություն կատարելու անհրաժեշտության դեպքում այն համաձայնեցնել Վարձատուի հետ,

4.13. Վարձակալը պարտավորվում է Վարձատուին անմիջապես տեղեկացնել տարածքի ամեն մի վթարի կամ այլ իրադարձության մասին, որը էական վնաս է հասցրել (կամ սպառնում է հասցնել) տարածքին, ժամանակին ձեռնարկել բոլոր հնարավոր միջոցները վտանգի կանխարգելման համար, ինչպես նաև տարածքը հետագայում քանդելու կամ վնասելու դեմ:

4.14. Վարձակալը պարտավոր է տարածքն ազատելիս այն սարքին վիճակում, մախկին տեսքով և հանձնման-ընդունման ակտով հանձնել Վարձատուին, եթե կողմերի համաձայնությամբ այլ բան մախատեսված չէ՝ հաշվի առնելով տարածքի բնական մաշվածությունը:

4.15 Վարձակալի կողմից Պայմանագրի գործողության ընթացքում կատարված Տարածքի անբաժանելի բարելավումները Վարձատուի կողմից չեն հատուցվում անկախ դրանք իրականացնելու վերաբերյալ Վարձատուի համաձայնության կամ բացակայության:

5. Կողմերի պատասխանատվությունը

5.1 Եթե Վարձատուն խախտում է սույն Պայմանագիրը կամ խոչընդոտում է Վարձակալին իրականացնել իր իրավունքները, Վարձակալը կարող է պահանջել Վարձատուից փոխհատուցել իրեն պատճառված վնասները:

5.2. Եթե Վարձակալը Պայմանագիրը դադարելուց հետո մեկամսյա ժամկետում չի հանձնել Գույքը ապա Վարձատուն իրավունք ունի գրավոր պահանջել Վարձավճար տվյալ ժամանակահատվածի համար:

5.3. Վարձատուի պահանջի դեպքում Վարձակալը պարտավոր է, վարձավճարի ուշացման յուրաքանչյուր օրվա համար վճարել տույժ՝ յուրաքանչյուր օրվա համար վճարման ենթակա գումարի 0,5 %-ի չափով, իսկ մինչև տվյալ ամսվա 25-ը վարձավճարը և հաշվարկված տույժերը չվճարելու դեպքում Վարձատուին իրավունք է վերապահվում միակողմ լուծելու Պայմանագիրը, որի դեպքում Վարձակալը հատուցում է Վարձատուին պատճառված վնասները:

6. Անհաղթահարելի ուժի ազդեցությունը (ՖՈՐՍ-ՄԱՃՈՐ)

6.1. Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, պատերազմը և պետական մարմինների ակտերը, որոնք անհնարին են դարձնում սույն պայմանագրով պարտավորությունների կատարումը: Եթե անհաղթահարելի ուժի ազդեցությունը շարունակվում է 1 (մեկ) ամսից ավելի, ապա կողմերն իրավունք ունեն փոխադարձ համաձայնությամբ լուծել սույն պայմանագիրը:

7. Եզրափակիչ դրույթներ

7.1. Տարածքի նկատմամբ սեփականության իրավունքի փոխանցումն այլ անձի (անձանց) հիմք չէ սույն պայմանագիրը լուծելու կամ փոփոխելու համար:

7.2. Կողմերը պարտավորվում են իրենց գտնվելու վայրի հասցեի կամ բանկային հաշվի համարի փոփոխության դեպքում գրավոր տեղյակ պահել մյուս կողմին փոփոխության կատարման պահից սկսած տասնօրյա ժամկետում:

7.3. Սույն Պայմանագրի շրջանակներում Կողմերի ծանուցման հասցեներ են համարվում և Կողմերի միջև հաղորդակցությունը կատարվում է հետևյալ հասցեներով:

Վարձատու՝ ՀՀ, ք. Երևան, Խորալեյան փող., շենք 37, բն. 10.

Վարձակալ՝ ՀՀ ք. Երևան, Բաղրամյան 19

7.4. Ծանուցման հասցեի փոփոխության դեպքում Կողմերից յուրաքանչյուրը պարտավորվում է գրավոր կարգով տեղեկացնել մյուս Կողմին դրա մասին: Հակառակ դեպքում Պայմանագրով ֆիքսված հասցեով ուղարկված ծանուցումը համարվում է պատշաճ ծանուցում՝ Պայմանագրի 7.5 կետով սահմանված կարգով:

7.5. Կողմերից յուրաքանչյուրի համար ծանուցման պարտականությունը համարվում է պատշաճ կատարված՝ հետադարձ ծանուցման մասին փաստաթուղթ ստանալու պահից: Այն դեպքում, երբ ծանուցումը ուղարկելուց հետո 7 /յոթ/ աշխատանքային օրվա ընթացքում չի ստացվում հետադարձ ծանուցման մասին փաստաթուղթ, ապա ծանուցման պարտականությունը համարվում է պատշաճ կատարված, իսկ մյուս Կողմը իրազեկված՝ նամակը ուղարկելուց հետո 8-րդ աշխատանքային օրը:

7.6. Սույն պայմանագիրը կնքված է համարվում կողմերի ներկայացուցիչների կողմից այն ստորագրվելուց, այն նոտարական կարգով վավերացվելուց և դրանից ծագող իրավունքների պետական գրանցում ստանալու օրվանից:

7.7. Սույն պայմանագրի նոտարական վավերացման և պետական գրանցման հետ կապված ծախսերը կատարում է Վարձակալը:

7.8. Սույն պայմանագրի կապակցությամբ ծագած վեճերը լուծվում են բանակցությունների միջոցով, իսկ համաձայնություն ձեռք չբերելու դեպքում դատական կարգով:


ՎԱՐՁԱՏՈՒ

Արթուր Մանուկի Չաքարյան
Հասցե՝ ՀՀ, ք. Երևան,
Խորալեյան փող., շենք 37, բն.
10.


Բանկային հաշիվը՝

«ՎՏԲ-Հայաստան Բանկ» ՓԲԸ

Հ/հ 16048153008900



(ստորագրություն)



ՎԱՐՁԱԿԱԼ

«ՀՀ վերահսկիչ պալատի
աշխատակազմ» պետական
կառավարչական հիմնարկ

Հասցեն՝ ք. Երևան, Բաղրամյան 19


ՀՎՀՀ 00061508

ՀՀ ԿԳ գործառնական վարչություն


Հ/հ 900011545069,

Աշխատակազմի ղեկավարի
լիազորված անձ

Հովհաննես Հովհաննիսյան



(ստորագրություն)





ՀՀ, ք. Երևան

Երկու հազար տասնյոթ թվականի սեպտեմբերի տասներկուսին
Հայաստանի Հանրապետության անունից
սույն պայմանագիրը վավերացված է իմ «Կենտրոն» Նոտարական տարածքի
Նոտար **ՌՈՒԶԱՆՆԱ ՏՈՆՈՅԱՆԻՍ** կողմից:
Կողմերը պայմանագիրը ստորագրեցին իմ ներկայությամբ:

Պայմանագիրն ստորագրած անձանց ինքնությունը, նրանց գործունակությունը, նրա
ներկայացուցչի լիազորությունները, գույքի նկատմամբ սեփականատիրոջ իրավունքները
ստուգված է:

ՀՀ Զաղաքացիական օրենսգրքի 301-րդ հոդվածին համապատասխան, սույն պայմանագրից
ծագող իրավունքները ենթակա է գրանցման անշարժ գույքի կադաստրի ստորաբաժանումում
երեսուն աշխատանքային օրվա ընթացքում:

Գրանցված է սեղանամատյանում 1009 -ով:

Գանձված է պետական տուրք հինգ հազար ՀՀ դրամ և ծառայության վճար տասնհինգ հազար
ՀՀ դրամ՝ համաձայն «Պետական տուրքի մասին» և «Նոտարիատի մասին» Հայաստանի
Հանրապետության օրենքների:

Նոտար

R. M. M.

Ռուզաննա Արմենի Տոնոյան



15.12.2011թ.